

Na osnovu člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), direktor Uprave za indirektno oporezivanje određuje

OPĆE UVJETE

ZA ELEKTRONSKO POSLOVANJE SA UPRAVOM ZA INDIREKTNO OPOREZIVANJE

Uvjeti koji se zahtijevaju za korištenje elektronskog poslovanja sa Upravom za indirektno oporezivanje (u daljnjem tekstu: UIO), a u vezi sa primjenom Zakona o elektronskom potpisu ("Službeni glasnik BiH", broj 91/06) i Zakona o elektronskom dokumentu ("Službeni glasnik BiH", broj 58/14), su:

1. KVALIFIKOVANA ELEKTRONSKA POTVRDA

Poruke koje se, korištenjem sistema za elektronsku razmjenu podataka, razmjenjuju sa UIO za elektronske usluge koje UIO pruža obveznicima indirektnih poreza u okviru poslovnih procesa iz njene nadležnosti, moraju biti potpisane kvalifikovanim elektronskim potpisom.

Za ovu svrhu, mogu se koristiti kvalifikovane elektronske potvrde izdate u skladu sa eIDAS Uredbom EU broj 910/2014 od strane Ovjerioca UIO i drugih ovjerilaca upisanih u evidenciju ovjerilaca kod Ureda za nadzor i akreditaciju ovjerilaca pri Ministarstvu komunikacija i transporta Bosne i Hercegovine, ukoliko su kompatibilne sa softverom koji UIO koristi u okviru elektronskog poslovanja.

2. UGOVOR O KORIŠTENJU ELEKTRONSKOG POSLOVANJA

Za omogućavanje elektronskog poslovanja korištenjem kvalifikovane elektronske potvrde zaključuje se ugovor sa UIO, kojim se reguliraju prava, obaveze i odgovornost lica koje želi da koristi elektronsko poslovanje sa UIO i UIO.

Ugovor se zaključuje u pisanoj formi i korisnik ga svojeručno potpisuje.

3. ZASTUPNIK ZA REGULIRANJE ELEKTRONSKOG POSLOVANJA I ZASTUPNIK

Korisnik može, ali nije obavezan, prijaviti i odjaviti zastupnika za reguliranje e-poslovanje sa UIO i zastupnika.

4. PRIMJENA OPĆIH UVJETA

Ovi opći uvjeti primjenjuju se od narednog dana od dana donošenja i objavljuju se na službenoj internet stranici UIO.

Početak primjene ovih općih uvjeta prestaju sa primjenom Općih uvjeta za elektronsko poslovanje sa Upravom za indirektno oporezivanje broj 01-02-2-160-13/21 od 18.05.2021. godine.

Broj: 01-02-2-611-6 /23
Banja Luka, 24.05. 2023. godine



DIREKTOR

Dr. MIRO DŽAKULA